

To: "panel\_dev@legco.gov.hk" <panel\_dev@legco.gov.hk>

From: Andy Yiu Chi Sang

Sent by: Cynthia Lee Miu Yin

Date: 14/04/2016 05:25PM

Subject: 大嶼山發展策略建議

大嶼山發展策略建議

我係一個承建商嘅行政級管理人員。但我要發表嘅意見大部份都係從一個香港市民嘅角度出發

凡事都係有發展，有改變，社會先至會有進步。如果經常停留喺現在嘅狀況，就會一潭死水，死局一個。

大家都已經在不同嘅渠道或者坊合聽到好多關於大嶼山發展計劃嘅內容，喺網上邊都容易搵到更多相關嘅資料。

大嶼山發展計劃好明顯係會提供到好多嘅工程同旅遊有關嘅就業機會，亦都會解決部份房屋嘅需要。

明白到做每一件事都會有佢嘅好處或者有啲唔係太好嘅地方，係需要平衡地去處理嘅。

大嶼山發展計劃，好明顯睇到係利多於弊，必須要進行，並且必須要盡快展開，喺盡快火速地展開。

由於現時做任何嘅發展計劃，需要兼顧嘅地方有好多好多，與日俱增一日比一日多。例如噪音嘅管制問題，環保嘅問題，人手嘅問題等等。所以呢個發展計劃係要盡快展開，我們覺得諮詢已然做好了不久，係時候作出行動了。

以前係 1993 年到 1997 年，起新機場嘅時候，如果講填海，要填一個大約好似政府大球場咁大嘅地方，約 15 米深，當時只係需要個半月嘅時間。

現在係中環灣仔繞道填海，每日只能填到 1000 至 2000 立方米，相同嘅地方，現在需要填海嘅時間係七個月

以前可以做工程嘅時間或者係趕工嘅時候，大致上係一年 365 日，每日二十四小時，年終無休，現在因為噪音管制嘅標準提升咗，可以做工程嘅時間，減咗星期日同埋所有嘅公眾假期，每年大約只係有九個半月，少咗兩個半月，即係等於唔見咗兩成嘅時間。

市民對生活嘅素質提高，係應該嘅，因為時代係進步緊嘅，係正面嘅，係需要受到適當嘅照顧。正因為咁，發展越遲，所需要嘅時間同金錢都會相應增加，大大增加。所以我再次提醒大家要盡快开展北大嶼山發展計劃。

姓名: 饒智生 (電話: [REDACTED])

參加時段 : 4:25 p.m. ~ 6:15 p.m (16 April, 2016)